

容

庶物類纂

穀屬
自七至八

太政官文庫			
和	特別	一	類
書	二	二	號
門	三	六	
	四	二	
	五	二	
	六	二	
	五	二	
	四	二	
	六	五	
	冊	架	函

內閣文庫	
番號	和 32362
冊數	465 (218)
函號	特 54 1

四十三ノ四

共三十

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale

G Y M

© Kodak, 2007 TMI, Kodak



五三
三
二
一



庶物類纂穀屬卷之七目次
拾

庶物類纂

穀屬目次

稻

稻

水稻稻之名不一然非水則無以生種藝之法宜選上流出水便其性也春秋說題曰稻之爲言藉也稻舍水盛其德也稻大陰精含水漸洳乃能化也淮南子曰江水肥而宜稻種稻者蓄陂塘以澹之置隄閘以止之種時先放水十日後曳碌礮十遍地既熟淨然後下種候苗生五六寸拔而秧之高七八寸則耘畢放水煇之欲秀復用水浸之苗既長茂復薅拔以去葭莠農家收穫尤當及時江南上雨下水收稻必

用喬杆笊架乃不遺失刈早則米青而不堅晚則零落而損收又恐風雨損壞

明王蓋臣
羣芳譜

旱稻宜用下田齊民要術曰凡下田停水處燥則堅塔濕則汙泥難治而易荒燒壟而殺種春耕者殺種尤甚故宜五六月曠之以擬大麥如水澇不得種九月一轉至春種稻萬不失一凡種下田不問秋夏候水盡地白背時速耕耙耨頻翻令熟二月半種稻為上時三月為中時四月初及半為下時漬種令開口耨耩掩種之即再遍耨苗長三寸耙耨而鋤之鋤欲

速每經一雨輒耙耨苗高尺許則冒雨薈之科大如概者五六日中霖雨時拔而栽之餘法悉與下田同今閩中有占城種即黃籼也性耐旱高仰處皆宜種謂之旱占其米粒大而且甘早種早熟六十日即可獲為早稻佳種北方水源頗少惟陸地霑濕處種稻其耕鋤薈拔一如前法

同上

稻一名稌有稬有糯稬者硬也堪作飯作粥南方以為常食北方以為佳品禮記祭祀謂稻為嘉蔬周官有稻人漢有稻田使者蓋通稬糯而言也稬即秔也

粳之熟也晚粳之小者謂之秈秈熟早謂之早稻有
 早中晚三熟水旱二類南方土下泥塗多宜水稻北
 方地平惟澤土宜旱稻種類甚多其穀之紅白大小
 不同芒之有無長短不同米之堅鬆赤白紫烏不同
 味之香否軟硬不同性之溫涼寒熱不同大要北粳
 涼南粳溫赤粳熱白粳涼晚白粳寒新粳熱陳粳涼
 葉與梗似小麥穗似大麥稈與實不相粘溫中益氣
 止煩渴和腸胃合芡實作粥益精強志聰耳目其
 類為香粳一名香子粒小色斑以三十五小香稻赤
芒

白粒其色如玉食之香美凡雪裏揀粒大而白稗三
 享莫延賓以為上品出閩中一穗三三百餘箭子粒細長而白味甘香膳脂赤
 穗子粒出湖州香柔而甘春煮之純赤晚稻上品有一種蓋下白
 性不畏鹵可當鹹湖近海口之田不得不一種
 正月種五月熟麥爭場三月人甚賴其利食新者爭市之
 根復生九月熟六月熟累子而長采半寸亦嘉種也六
 價倍青芋稻種出益州大而有四月種六月熟此三
 貴旬稻一名拖犁歸粒小色白四月種六月熟又有八
 百日稻十日稻百赤日赤日赤俱有十日稻八
 而無芒七八月熟其味白淡而紅甘香粒小而性
 有紅芒白鳥秈早稻也粒大而芒長結柔而可織
 孕婦三月種七月收其田以蔣晚稻可供賓客及老疾
 熟又有虎掌稻赤橫稻蟬鳴稻俱七月熟早白稻一名

燕物類纂 卷世 穀屬 稻 四

小 白 一 名 細 白 粒 赤 而 稔 芒 白 五 月 初 種 八 月 中 秋
 熟 九 月 一 名 熟 者 謂 之 晚 八 月 一 名 蘆 花 白 一 名 大 白
 稻 粒 白 而 大 四 月 種 八 月 熟 八 月 一 名 蘆 花 白 一 名 大 白
 能 水 者 謂 之 早 中 秋 又 謂 之 閃 西 風 一 丈 紅 八 月 收
 抽 芽 出 水 深 三 四 尺 漫 撒 水 中 能 從 水 底 擺 柳 稻 粒 大
 斑 五 月 種 九 月 常 稻 同 熟 但 須 厚 壅 耳 擺 柳 稻 粒 大
 莖 俱 白 種 江 謂 之 熟 性 硬 皮 須 厚 壅 耳 擺 柳 稻 粒 大
 粒 大 芒 紅 皮 赤 三 朝 齊 一 名 下 馬 矮 白 又 名 師 姑 粒
 五 月 種 九 月 熟 春 種 夏 獲 七 月 初 最 易 矮 白 又 名 師 姑 粒
 九 月 種 熟 撫 稻 再 種 至 十 月 熟 一 名 冷 水 結 再 蔣 他 如
 七 月 種 熟 高 仰 所 種 也 鳥 口 稻 而 晚 熟 稻 之 下 品 他 如
 江 謂 之 赤 米 下 品 也 鳥 口 稻 而 晚 熟 稻 之 下 品 他 如
 黃 稻 黃 陸 稻 豫 辛 青 赤 芒 青 甲 等 稻 未 可 救 舉 糯 稻
 一 名 秫 稻 苗 葉 莖 穗 與 粳 稻 同 米 可 炒 食 可 釀 酒 可
 葵 錫 可 作 棗 可 煮 糕 可 蒸 糕 水 稻 赤 色 者 酒 多 糟 少


一 種 粒 白 如 霜 長 三 四 分 齊 民 要 術 糯 有 九 格 雉 木
 大 黃 馬 首 虎 皮 長 江 惠 成 黃 滿 方 滿 薈 奈 常 秫 火 色
 等 名 糯 者 糯 也 性 粘 滯 難 化 多 食 令 人 身 軟 擁 諸 經
 絡 氣 發 癰 疽 瘡 癩 中 痛 合 酒 食 醉 難 醒 小 兒 及 病 人
 最 忌 孕 婦 雜 因 食 之 令 子 不 利 小 貓 蘆 黃 糯 一 名 泥
 犬 食 之 腳 屈 不 能 行 馬 食 之 足 重 蘆 黃 糯 一 名 泥
 不 待 日 晒 也 粒 大 色 白 芒 長 金 釵 糯 粒 長 而 烏 香 糯
 熟 最 早 其 色 易 變 釀 酒 最 佳 金 釵 糯 粒 長 而 烏 香 糯
 色 烏 秬 糯 一 名 易 變 釀 酒 最 佳 金 釵 糯 粒 長 而 烏 香 糯
 氣 香 秬 糯 一 名 易 變 釀 酒 最 佳 金 釵 糯 粒 長 而 烏 香 糯
 風 水 四 月 種 青 稈 糯 稔 宜 良 田 四 月 種 而 稔 成 熟 小 娘 糯
 種 八 月 熟 大 而 色 硃 砂 糯 一 名 四 月 種 而 稔 成 熟 小 娘 糯
 矮 兒 糯 尖 大 而 色 硃 砂 糯 一 名 四 月 種 而 稔 成 熟 小 娘 糯
 白 四 月 種 尖 大 而 色 硃 砂 糯 一 名 四 月 種 而 稔 成 熟 小 娘 糯
 脂 糯 月 色 白 性 軟 五 月 熟 虎 皮 糯 白 而 稔 官 糯 一 名 冷 粒 糯 粒 圓
 駝 糯 芒 如 馬 秋 風 糯 白 而 稔 官 糯 一 名 冷 粒 糯 粒 圓
 駝 糯 芒 如 馬 秋 風 糯 白 而 稔 官 糯 一 名 冷 粒 糯 粒 圓

庶物類纂 卷卅 穀屬 糯 五

農人喜種之飯則糯釀則粳糶則減價多以代粳輸租○同上

種稻甲子戊辰己巳庚午辛未壬申癸酉甲戌丙子
丁丑戊寅己卯癸未甲申戊子己丑庚寅辛卯甲午
庚子辛丑壬寅甲辰丙午丁未戊申己酉壬子癸卯
庚申辛酉壬戌癸亥成收開日忌平閉丑日同上
犁田須犁耙三四遍青草或糞穰灰土厚鋪於內
爛打平方可撒種則肥而發旺同上
浸種宜甲戌壬午壬辰成開日早稻清明節前浸晚
稻穀雨前後浸用稻草包裹一斗或二三斗投於池

塘水內缸內亦可晝浸夜收不用長流水難得生芽
若未出用草之浸三四日微見白芽如鍼尖大取
出於陰處陰乾密撒田內候八九日秧青放水浸之
糯稻出芽較遲浸八九日如前微見白芽方可種撒
時必晴明則苗易豎亦須看潮候二三日復撒稻草
灰於上易生根同上
揚稻稻初發時用揚耙于稞行中揚去稗草易耘搜
鬆稻根則易旺同上
耘稻揚稻後將灰糞或麻豆餅屑撒田內用水耘去



草盡淨近秋放水將田泥塗光謂之熇熇待土裂車水浸灌之謂之還水穀成熟方可去水或遇天少雨急鋤一遍勿令開裂俟天與雲則澆肥糞得雨勿致缺水則稻發不遇上同

稻一年再熟今浙江温州稻一歲兩種廣東又有三種田地氣暖故也偽越外紀上同

雷陽界稻十一月下種揚雪耕耘次年四月熟與他地迥異十統志上同

稽入米倉內米不蛀燒灰入點痣及去惡肉方中用

除夜撒之臥房內外云可避邪又生脂麻單條者名霸王鞭豎臥房前亦云可祛鬼上同

稻無所緣惟歲易為良選地欲近上流地無良薄水清則稻美玄

扈先生日水田之處不在水原則在水委原欲近泉委欲近瀦非泉非瀦則於溪澗江河長流不渴之處

三月種者為上時四月上旬為中時中旬為下時先

放水十日後曳陸軸十遍遍數惟多為良地既熟淨淘種子

浮者不去秋則生稗玄扈先生曰凡種子皆宜淘去浮者穀浮者秕果浮者油也漬經三宿

漉出內草以盛穀中裏之復經三宿芽生長二分

一畝三升擲三日之中令人驅鳥苗長七八寸陳草

復起以鎌侵水芟之草悉膿死稻苗漸長復須薅草拔

曰薅虎高切薅訖決去水曝根令堅量時水旱而溉之將

熟又去水霜降獲之早刈米青而不堅晚刈零落而損收北土高原本

無陂澤隨逐隈曲而田者二月水解地乾燒而耕之

仍卽下水十日塊既散液持木斫平之納種如前法

既生七八寸拔而栽之既非歲易草稗俱生芟亦不死故須用栽而薅之溉

灌收刈一如前法畦畦大小無定須量地宜取水均

而已藏稻必須用簞此既水穀密埋得地氣則爛敗也若於久居者

亦如剡麥法春稻必須冬時積日燥曝一夜置霜露

中卽春若冬春不乾卽采青赤脈起不經霜不燥曝則采碎矣秣稻法一切同

明徐光啓農政全書

王禎稻論曰稻之爲言藉也稻舍水盛其德也稻大

陰精舍水漸洳乃能化也淮南子曰江水肥而宜稻

南方下土塗泥皆宜水種治稻者蓄陂塘以豬之置

隄閘以止之又有作爲畦埂耕耙既熟放水勻停擲

種於內候苗生五六寸拔而秧之今江南皆用此法

苗高七八寸則耘之瓜耘耙耘具農器譜耘畢放水煇之欲秀

復用水浸之苗既長茂復事薅拔以去根莠農家收

獲尤當及時江南上雨下水收稻必用喬杆笊架乃
不遺失喬杆笊架 農器譜蓋刈早則米青而不堅刈晚則零
落而損收又恐為風雨損壞此九月築場十月納稼
工夫次第不可失也大抵稻穀之美種江淮以南直
徹海外皆宜此稼同上

玄扈先生曰今人用穀種畝一斗以上密種而少糞
難耘而薄收也但插蒔早者用種須少插蒔遲者用
種宜稻多吾鄉人多種吉貝芒種以前甚無暇夏至
前方插蒔亦有過夏至者用種不得不多亦有小暑

後插蒔而用種如常則先種麻燈心蓆草之屬田底
極肥故也同上

玄扈先生曰稻田用水隨地隨時不拘一法括之以
兩言曰蓄與洩而已周禮稻人職曰以渚蓄水以防
止水皆言蓄也禹之陂九澤亦蓄也以澮寫水言洩
也禹之決九川亦洩也以溝蕩水以遂均水以洲舍
水者上源所蓄醜諸田間也禹盡力溝洫暨稷播奏
庶艱食則用水之效也同上
農桑通訣云稻之名一而水旱之名異蓋水稻宜近


上流旱稻宜用下田明俞汝為荒政要覽

稻花白而瓣少者米賤多而色黃則貴俗云銀花賤

金花貴也江陰李詡戒菴漫筆

五穀者稻黍稷麥菽也鄭司農注周禮謂麻麥黍稷豆而不及稻豈鄭未至南方耶王之膳食用六穀鄭注稻黍稷梁麥苽又三農生九穀鄭注稷秫黍稻麻二豆二麥其說互異恐亦以臆斷耳炙穀子云九穀者黍稷麻麥稻梁苽大小豆酉陽雜俎云九穀者黍稷稻梁三豆二麥然北方之穀尚有粟有藟秫有蕎麥而豆

之屬有黃豆菘豆黑豆江豆青豆扁豆豌豆蠶豆不啻三也南方雖止於稻米而稻之中已有十數種矣后稷之時已稱百穀說者謂五穀之屬各有二十合而為百近於穿鑿百成數也五穀者舉其大言之也甘石星經又謂八穀應八星八穀者黍稷稻梁麻菽麥烏麻也其星在河車之北明則俱熟明陳留謝肇制五雜俎 鄴都稻名重思其米如石榴子亦以上獻仙官青牛道士口訣暮臥存日在影上月在臍上辟千鬼萬邪致玉女來降明陳繼儒珍珠船



春采一石得四斗曰精得三斗曰鑿得二斗曰粹明陳

繼儒書蕉

南方水稻其名不一大槩為類有三早熟而緊細者

曰秬晚熟而香潤者曰粳早晚適中米白而黏者曰

粳明唐荆川稗編

收稻種有瘦糯常歲別收選好穗純色者晒乾揀去

莖穗篩簸淨用稻草包裹每包二斗五升或三斗高

懸屋梁以防鼠耗每畝計穀一斗必多留以備闕用

明盧翰月令通攷

稻有一歲兩收者既春種而夏獲矣復以七初再插

至十月熟曰撫稻物產志同

耘稻法種苗旺時放去水乾將亂草用腳踏入泥中

則四畔潔淨用灰糞麻粃相和撒入田內晒四五日

土乾裂時放水淺浸穀秧謂之戽田此月正宜加力

六月一次七月一次依上耘農桑家要同

稻田或遇天少雨急用鋤削擁勿令開裂俟天興雲

即澆肥糞得雨至捺缺畜水則稻發不可遇農家雜纂同

插稻秧芒種前後插之拔秧時輕手拔出就水洗根去泥約八九十根作一小束卻於犁熟水田內插栽每四五根為一叢約離五六寸插一叢脚不宜頻那舒手只插六叢卻那一遍再插六叢再那一遍逐旋插去務要整直農書同上

清時三更以稻草縛花樹上不生刺毛羊辣等蟲明馮

應京月令廣義

稻米有秈稻有糯稻有水田處皆能種之糯粘稻也不粘者糯米能行榮衛中血積性微寒姪身與雜肉

食之不利子作糜食一斗主消渴久食令人身軟抗

米味甘苦主益氣止煩止洩明王思義三才圖繪續集

唐玄宗開元十九年揚州奏糴生稻二百一十五頃再熟稻一千八百頃其粒與常稻無異糴生自稻也

明彭大翼山堂肆考

楊泉物理論稻者既種之總名梁者黍稷之總名菽者眾豆之總名前載有言三穀者梁稻菽是也有言五穀者麻黍稷麥豆是也有言六穀者稻黍稷梁麥菽是也有言九穀者稷秫黍稻麻大小豆大小麥是

也有言百穀者又包舉三穀各二十種為六十蔬果之實助穀各二十是也禮記祭宗廟之禮稻曰嘉蔬

同上

晉石崇家稻米飯在地經宿皆化為螺時人以為族滅之應同上

得時之稻大本而莖葉格稠疏穢穗如馬尾大粒無芒搏米而薄糠春之易而食之香如此者不益先時者大本而莖葉格對短稠短穗多秕厚糠薄米多芒後時者纖莖而不滋厚糠多秕 辟米不得恃定熟

仰天而死

呂覽○明陳耀文天中記

交趾夏稻熟農者一歲再種

異物志○同上

說文稻稌也穰紫莖不黏者也糠稻不黏者也耗稻

屬也

明陳希顏事言要玄集

四熟稻出鳥菴國苗高可沒駱駝米大如小兒指

明范

泓本典藉便覽

月熟稻出婆登國一月一熟

同上

稻之黏者為秣又曰糯不黏者為秠或作粳不黏種早者為秠今人以秠為早稻粳為晚稻同上

界稻十月種次年四月收雷州府○明胡文煥德甫編輯華夷風土志

楊泉物理論曰稻者既種之總名梁者黍稷之總名

菽者衆豆之總名

禮記曰祭宗廟之禮稻曰嘉蔬

爾雅曰稌稻

說文曰秣稷之粘者也

又曰秣粘粟也

崔豹古今注曰稻之粘者爲秣禾之粘者爲黍

廣志曰秣有赤有白有胡補早熟及麥

養生要集曰秣米味酸

周禮地官稻人掌稼下地澤草所生種之芒種芒種稻麥

也

周禮夏官職方氏曰揚州宜稻青州宜麥

春秋說題辭曰稻之爲言藉也稻冬含水盛其德也

故稻大陰精含水漸洳乃能化也江旁多稻固其宜

也

孝經援神契曰汚泉宜稻

淮南子曰江水肥而宜稻

又曰稻生於水而不能生於湍瀨之流

又曰離稻先熟而農夫耨之稻米隨而生者為離與稻相似耨為其少實也

抱朴子曰南海晉安九熟之稻

蔡邕月令章句曰十月獲稻人君嘗其先熟故在九

月熟者謂之半夏稻

機謹按天中記引月令章句故在下有季秋二字

異物志曰交趾一歲再種

郭義恭廣志曰蟬鳴稻七月熟一稻有蓋下白正月

種五月獲獲其莖根復生九月復熟青芋稻六月熟

累子稻白漠稻七月熟此三種大且長三枚長一寸半

又廣志曰有虎掌稻紫芒稻赤穠稻白米稻南方有

蟬鳴稻

北狄傳渤海俗所居者曰盧城之稻

西域摩揭陀有異稻巨粒號供大人米

天竺稻歲四熟

博物志曰海陵縣扶江接海多麋獸十千為羣掘食

草根其處成泥名糜畷民人隨此略種稻不耕而獲

其收百倍

風土記曰穰穀之紫莖稷稻之有青稊米皆青白者也

徐暢祭記曰舊種稻熟常用九月九日薦稻

汜勝之書曰稻種春凍解時耕反其土種稻區不欲大大則水深淺不遍冬至後百一十日可種稻地美者用種畝四畝

俞益期箋曰交趾稻再熟而草深耕種收穀薄

雲南記曰雅州榮經縣土田歲輸稻米隨畝五斗其

穀精好每一斗穀近得米一斗炊之甚香滑微似稻味

崔寔四民令曰三月多種秔稻

養生要集曰秔稻屬也稻亦秔之總名也道家方藥有用稻米秔米此則是兩物也稻米粒白如霜味苦主溫服之令人多瘦無肥膚秔米味甘主利臟長肥膚好顏色

稻已割而復抽曰稻孫

六書曰稻性宜水亦有同類而陸種者謂之陸稻記

原牛委
卷

曰煎醢加於陸稻上今謂之曰於稜南方自六月至九月獲北方地寒十月乃獲

左思魏都賦曰清流之西出御稻

吳都賦曰國秬再熟之稻鄉貢八蠶之棉

盧毓冀州論曰河內好稻

安成記曰安成郡毛亭三十里田疇膏腴厥稻馨香飯若凝脂

述異記曰夏禹時天雨稻

吳越春秋曰越王勾踐後興師伐吳吳王敗晝馳夜

走三日三夕腹餒口飢顧得生稻而食之顧左右曰此何名也對曰是生稻也吳王曰是公孫聖所言不得火食走僮俚也

國語曰越敗吳王孫雄請和范蠡不聽雄曰子范子先人有言曰毋助天為虐助天為虐不祥今吾稻蟹不遺種子將助天為虐不忌其不祥乎

國策曰東周欲為稻西周不下水東周患之蘇子往見西周之君曰君之謀矣今不下水所以富東周也今其民皆種麥無他種矣君若欲害之不若一為下

無物類纂

卷二

穀屬

稻

十七

庶物考 卷七

水以病其所種下水東周必為種稻而復奪之若是則東周之民可令一仰西周而受命於君矣
呂覽曰史起為鄴令民大得其利相與歌之曰鄴有聖令為史公決漳水兮灌鄴旁終古斥鹵兮生稻梁拾遺記曰宣帝地節元年樂浪之東有背明之國來貢其方物言其鄉在扶桑之東見日出於西方其國昏昏常暗宜種百穀名曰融澤方三千里五穀皆良食之後天而死有浹日之稻種之十旬而熟有形稻食者死而更生而有壽有明清稻食者延年有

清腸稻食一粒歷年不飢有和靈稻言寒者食之則溫熱者食之則體冷莖多白

機謹按廣羣芳譜後天而死作後天而老

東觀漢記曰劉敞拜廬江都尉歲餘遭旱行縣人持稻皆枯更強責租敞應曰太守事也載枯稻至太守所酒數行以語太守太守曰無有敞以枯稻示之太守曰都尉事也敞怒叱太守曰鼠何敢爾也
江表傳曰孫亮五鳳元年交趾稗草化為稻
晉書云杜預修邵信臣遺跡激用澆濟諸水以浸稻

庶物類纂 卷七 穀屬 稻 十八

庶務
卷七

田萬餘頃分疆刊石使有定分公私同利衆庶賴之
號曰杜父

會稽典錄曰夏香有盜刈稻者香助收之盜者慚送
以還香香不受

宋書曰顧觀好學年六七歲家貧父使田中驅雀觀
作黃雀賦而歸雀食稻過半父怒欲撻之見賦乃止
齊書曰范雲常從文惠太子幸東田觀獲稻文惠顧
謂雲曰刈此甚快雲曰三時之務亦甚勤勞願殿下
知稼穡之艱難無徇一朝之宴逸也文惠改容謝之

隋書曰梁陳五壇祭法以三牲首餘以骨體薦粢盛
為六飯粳以敦稻以牟黃梁以 一白梁以 一黍
以糊粢以璉

又曰齊孝昭皇建中平州刺史嵇暉建議開幽州督
元舊陂長城左右營屯歲收稻粟數十萬石北境以
得周贍

唐書曰孟元陽為曲環軍中大將環使董作西華屯
元陽盛夏芒履立稻田中須役者退而後就舍故其
田歲無不稔軍中足食

無物類纂 卷二 教屬 稻 十九

唐地理志曰滄州本魯城乾符元年生野稻水穀十餘頃燕魏飢民就食之

北夢瑣言曰都會間有運大筆如椽或於稻粒上寫七言一絕歷歷可愛

續仙傳曰唐謝元卿遇神仙設龍睛稻以上淵鑑類函

雜俎曰艷都稻名重思其米如石榘子粒稍大味如菱亦以上獻仙宮杜瓊作重思賦霏霏春暮翠矣重

思靈氣交被嘉應時

國朝會要曰大中祥符五年遣使福建取占城禾分

給江淮兩浙漕并作種法今擇民田之高者分給種

之以上淵鑑類函

齊民要術按今世有尾紫稻青杖稻飛青稻赤甲稻

烏陵稻白地稻孤灰稻 齊民要術秬稻有九格秬

雉木秬大黃秬常秬馬身秬長江秬惠成秬黃滿秬

方滿秬虎皮秬蒼奈秬 周頌豐年多黍多稌傳稌

稻也 禮記王制冬薦稻 月令季秋之月天子乃

以犬嘗稻先薦寢廟 周禮地官稻人掌稼下地以

豬畜水以防止水以溝蕩水以遂均水以列舍水以

澮瀉水以涉揚其芟作田凡稼澤夏以水殄草而芟
萑之澤草所生種之芒種旱膜共其雩歛註澤草之
所生其地可種芒種芒種稻麥也稻人共雩歛稻急
水者也疏以下田稻麥故曰稼下田但水鍾曰澤有
水及鹹鹵皆不生草卽不得芒種故曰草所生餘官
不言共雩歛于此官特言共者以稻是水穀急須水
故早時特使其雩之發歛也 夏官東南曰揚州其
穀宜稻 正南曰荊州其穀宜稻 左傳鄆人藉稻
註其君自出藉稻蓋履行之疏服虔云藉耕種於藉

田也 戰國策東周欲爲稻西周不下水東周患之
蘇子謂東周君曰臣請使西周下水可乎乃往見西
周之君曰君之謀過矣今不下水所以富東周也今
其民皆種麥無他種矣君若欲害之不若一爲下水
以病其所種下水東周必復種稻種稻而復奪之若
是則東周之民可令一仰西周而受命於君矣西周
君曰善 南蠻傳環王稻歲再熟 牂柯無城郭土
熟多霖雨稻粟再熟 墮婆登在環王南種稻月一
熟 江南兩浙荆湖嶺南福建土多秔稻須霜降成

實自十月一日始收租 大中祥符四年帝以江淮兩澗稍旱即水田不登遣使就福建取占城稻三萬斛分給三路為種擇民田高仰者蒔之蓋早稻也丹出種法命轉運使揭榜示民後又種於王宸殿帝與近臣同觀畢刈又遣內使持於朝堂示百官稻比中國者穗長而無芒粒差小不擇地而生 山海經箕尾之山其神狀皆鳥身而龍首其祀之禮稽用稌米註稌稻也 廣漠之都后稷葬焉爰有膏稻註言味好滑如膏 淮南子江水肥而宜稻 稻生於水而

不能生於湍瀨之流 伏虔古今注惠帝三年桂宮陽翟俱雨稻米 括地志自崑崙山以南多是平地而下濕土肥良多種稻歲四熟 沒駝馬米粒亦極大 風土記稊稻之青稊米皆青白也 抱朴子南海晉安有九熟之稻 水經注九真太守任延始教耕犁俗化交土風俗象林知耕以來六百餘年火耕水耨法與華同名白田種白穀七月大作十月登熟名赤田種赤穀十二月作四月登熟所謂兩熟之稻也 廣雅稻穗謂之禾稻已割而復抽曰稻孫

中吳記聞紅蓮早稻自古有之陸魯望詩云遙為曉
 風吟白菊近炊早稻識紅蓮湧幢小品暹羅國稻
 其粒盈寸燕山叢錄房山縣有石窩稻色白味香
 美以為飯雖盛暑經數宿不餿一統志雷陽界稻
 十一月下種揚雪耕耘次年四月熟與他地迥異
 稻花午開暮合開合皆於日中香甚有至七開七合
 者佩文齋廣羣芳譜
 徐即稻○音相轉耳或以徐即糯詩十月獲稻今晚
 稻也六月收者曰早稻秈稻占稻七八月收者曰菊

花秈唐玄宗時揚州生糯稻自生稻也細名甚多不
 可枚舉自江淮以南田多三收隋書婆登國有月熟
 之稻一月一熟一統志雷陽界稻十一月下種揚雪
 耕耘四月熟智叟此語雷州安得有雪邪稻故為通
 名東璧專以糯為稻殆泥獲稻之注乎晚稻未必盡
 是糯也又引詩黍稷稻梁禾麻菽麥故以稻為糯而
 以禾為稷耳今詩木文作重稷又內則曰菽麥蕡稻
 黍梁秫惟所欲七者以稻與秫為秫為糯稻為稷稷
 即杭淵明種秫以取酒是也有此確證可以正本草

之誤矣七修類稿曰宋真宗聞占城稻早求種分給
故作粘曰梁者良也米粒長大者稱梁宜陸故曰高
梁稻宜水言其洿而濕也黍稷稻梁麥為五加菽為
六分二麥為七分二菽為八加麻為九皆舉大畧也
清方以智通雅

庶物類纂穀屬卷之八目次

稻

燕
物
類
纂
卷
八

穀
屬
稻

稻

燕
物
類
纂
卷
八

庶物表集
卷八

稻

稻以午時華夜露自莖而上入苞中則含之而成實種以百數約則粘稷秫秫即糯也清明浸曬種則同然蒔耘之後有錫抓法又不用牛則吳下泥沃也南海田乘桴播刈與湖退之漫撒同法高州一歲三種赤道之下兩度春秋則穀艸隨之北遠日地有五穀不生者矣粟亦有粘糯往謂宋真宗向占城求早穀種故曰粘阮一閱詩話載唐人有紅蓮早稻之句則唐有矣香稻亦古有非自外來也吳下香粳七月

庶物表集

卷八

穀屬

稻

二

熟南京南鄉銀條米亦香而香稻置襍稻倉倉中皆香是秈香也種須把耨而結實少于常米故民不種也江右粒短下江粒長晚米長腰過黃曰冬春冬春不生蟲食之易化八月熟曰觀音秈菊花新愛日黃桃花米有油潤紅曰紅蓮心其燥者蝦須紅烏稻壳黑米皮紅也不可勝記清阮桐方氏浮山此藏軒物理小識按稻原屬粳糯之總稱糯粘稻也秈不粘稻也而本草所謂稻乃專屬之糯也清劉若全本草述劉焯筆談云萬曆十年秋寧德縣鄉民穀連稻草乘

風飛上蔽天人望之一陣一隊若牛若馬若虎豹獅象之類或飛過山木高處偶為木杪所礙即有一二穗飄挂其上土人援木取視之則皆腐已化為蟲矣巡道東陽王公親見之清來元成博學彙書稻性宜水說文謂之徐音徒沛國謂之粳音糯黏者為糯又謂之秣音術不黏者為秈音耕又謂之粳音泥勝之云三月種秈四月種秣糯無芒粳有芒粳之小者為秈秈早熟故曰早稻粳晚熟故曰晚稻京口大稻謂之粳小稻謂之秈清周玉鳧農圃六書

稻杜號切桃去聲澤土所生芒種也曲禮稻曰嘉蔬
月令季冬天子乃以犬嘗稻六書故曰稻性宜水亦
有同類而陸種者謂之陸稻記曰煎醢加于陸稻上
今謂之旱稜南方自六月至九月獲北方地寒十月
乃獲又汜勝之書曰種稻春凍解耕反其土區不欲
大則水深淺不適崔實四民月令曰三月可種粳
稻美田欲稀薄田欲稠淮南子籬先稻熟而農夫薈
之者不以小利害大獲也高誘曰籬水稗韻書稻收
入巧韻闕去聲義同又姓又有韻音鉅詩豳風十月

獲稻叶上棗下壽棗音走壽音首又暮韻音妒易林
蝗齧我稻驅不可去實穗無有但見空豪四句各爲
叶去叶稻古暮御二韻通舊註泥御韻豪音據叶去
誤通雅曰稻爲通名本草綱目以粳爲稻蓋泥詩傳
獲稻以釀酒也稻未必盡是粳也又引詩黍稷稻粱
禾麻麥菽故以稻爲粳而以禾爲秫今詩魯頌本文
作黍稷重穆又內則云菽麥蕡稻黍粱秫惟所欲七
者以稻與秫並稱秫爲粳稻爲粳粳卽杭淵明種秫
取酒是也此足證本草綱目之誤又詩十月獲稻今

晚稻也六月收者曰早稻秈稻占稻七八月收者曰菊花秈細名甚多未易枚舉自江淮以南田多三收隋書婆登國有月熟稻一月一熟一統志廣輿志雷州界稻十月種次年四月熟與他地異七修類稿云宋真宗聞占城稻早求種分給故作粘清廖文英正字通徐通吾切音徒澤土所生芒種也詩周頌豐年多黍多稌註黍宜高燥而寒徐宜下溼而暑黍徐皆熟則百穀無不熟禮內則折稌犬羹兔羹註徐稻也折謂細折稻米為飯也又牛宜徐註上云折徐犬羹兔羹

此云牛宜徐者上是人君燕食以滋味為羹此據尊者正食而言也又他魯切音土義同張衡東京賦度秋豫以收成觀豐年之多徐叶上古下圃字學三正誤以彖為古文徐互見後稻註同上豪豪莫然同徐錯曰稗即結之和皮者豪則又稗之粗亂者古之有罪者席豪今人謂書之草創者為豪六書故稽結秆豪聲相通矢幹亦謂之豪亦謂之稗皆一聲之轉非二物也周官豪人掌弓矢篆作鬲同上凡稻種最多不粘者禾曰秈米曰粳粘者禾曰粳米

曰糯南方無粘黍酒皆糯米所為質本粳而晚收帶粘俗名粳源

不可為酒只可為粥者又一種性也凡稻穀形有長

芒短芒江南名長芒者曰劉陽長粒尖粒圓頂扁面

不一其中米色有雪白米黃大赤半紫雜黑不一濕

種之期最早者春分以前名為社種遇天寒有凍最

遲者後于清明凡播種先以稻麥豪包浸數日俟其

生芽撒于田中生出寸許其名曰秧秧生三十日即

拔起分栽若田畝逢旱乾水溢不可插秧秧過期老

而長節即栽于畝中生穀數粒結果而已凡秧田一

畝所生秧供移栽二十五畝凡秧既分栽後早者七

十日即收穫粳有救公饑喉下急糯有金包最遲者

歷夏及冬二百日方收穫其冬季播種仲夏即收者

則廣南之稻地無霜雪故也凡稻旬日失水即愁旱

乾夏種冬收之穀必山間源水不絕之畝其穀種亦

耐久其土脈亦寒不催苗也湖濱之田待夏潦已過

六月方栽者其秧立夏播種撒藏高畝之上以待時

也南方平原田多一歲兩栽兩穫者其再栽秧俗名

晚糯非粳類也六月刈初禾耕治老膏田插再生秧

庶物類纂 卷八 教屬 稻 六

其秧清明時已借早秧撒佈早秧一日無水即死此
秧歷四五兩月任從烈日曠乾無憂此一異也凡再
植稻遇秋多晴則汲灌與稻相終始農家勤苦為春
酒之需也凡稻旬日失水則死期至勻出旱稻一種
粳而不粘者即高山可插又一異也香稻一種取其
芳氣以供貴人收實甚少滋益全無不足尚也清宋應星

天工開物

康熙三十三年秋晚稻方插即吐穗結實有一稔一
米者西南近郊多有而八都尤盛漳浦縣志

康熙三十六年春旱米價湧知縣陳汝成請開常平
倉減價發賣自四月初一日起至早稻登場止民賴

全活同上

稻有粳有秣有尖有香稻有白柳其實有白米有赤
米當六月熟者謂之早稻十月熟者謂之晚稻九月
熟者歲止一收謂之大冬稻同上

爾雅曰稌稻說文謂稻為粳粳稌屬也粳亦名秣字
林云粳粘稻而粳稻不粘今之食米皆粳稻釀酒則
粳稻也其名品皆甚多而八郡土俗所呼又各不同

庶物類纂 卷八 穀屬 稻 七

不能悉載茲特取其大者志之○早稻春種夏熟○晚稻蓋早稻既獲再插至十月而熟者其米皆有紅白二色宋馬益詩云兩熟潮田世獨無蓋謂是也○大冬稻米亦有紅白二色春種冬熟歲惟一收然其所獲與歲二熟者亦差相等○占城稻無芒而粒細湘山野錄云宋真宗以福建田多高仰聞占城稻耐旱遣使求其種得一十石以遺其民使蒔之三山誌謂其有早晚二種邵武志謂其種有六十日可獲者有百日可獲者今八郡皆有之○稜稻之圃植者春

種九十月熟有芒米有紅白二色味香自福以南四郡皆有植之者然不多也已上俱粳稻○早秣與早稻同熟○晚秣與晚稻同熟○大冬秣與大冬稻同熟已上俱粳稻福州府○八閩通志

成化初郡人有成雲南者得安南稻一種五月先熟米白餘我同福州漳州府○同上

康熙九年庚戌夏水有秋十月虎至南蕩圩殺之八月韓城有稻一科數百莖間有雙穗農人云稻王高淳

縣志

無物類纂

卷八

穀屬

稻

八

萬曆三十六年戊申澧州大水城崩秋龍見瑯琳湖
拔鄭雲山宅不知何所楓林村稻化為蝶飛出境是
年安鄉大水岳州府志
弘治十二年華容民王金妻產兒一身二首是年民
間稻穀多化蛾飛去同上
稻味甘美勝於百穀邠風之詩曰十月穫稻為此春
酒以介眉壽魯論食稻衣錦則稻所以康老御賓客
誠重之也但江南柔脆之性膏粱之習止崇其所嗜
他不之計然稻者太陰之精雖易生而純待命於天

非滌潦不得入土非積水不獲滋茂五日無雨則渴
十日無雨則稿是以周禮別設稻人之官掌稼下地
以司蓄止均瀉之政誠難之也武昌府志
唐玄宗開元十九年四月揚州奏魯稻生二百一十
五頃稻自生稻也再熟稻一千八百頃其粒與常稻無異○揚州府志
宋神宗元豐二年洪州六縣稻已獲再生皆寔豐城縣志
弘治元年是秋民家所藏稻新舊俱化為蛾飛去華容縣志
本草釋名一曰稌皆粳糯之總稱也粘者為糯不粘

無功頌慕 穀屬 稻 九

者為粳亦曰秔今按粳糯二稻奉錦二郡皆有之俗
通呼為大采盛京通志

澤土所生曲禮稻曰嘉蔬性宜水亦有同類而陸種
者俗謂之旱禾六月收者曰早稻十月獲者曰晚稻

細名甚多未易枚舉陽春縣志
早晚旱三種又有尖鼻鳥尻鷓鴣背又有大禾稻鬚

芒及寸種塘中與小俱長莖丈餘正月布穀九月乃
登高要縣志

稻有秔有粳秔之種又有大小土人謂大稻秔小稻

秔大稻之種十六曰香子曰鯽魚曰灰鶴曰時裏曰

八月白曰蘆花白曰浪裏白曰白蓮子曰紅蓮子曰

早紅芒曰晚紅芒曰青川黃曰稗川黃曰馬尾鳥曰

老了鳥曰下馬看今又有塊紅芒靠山黃白芒紅芒

斃殺天數種小稻之種有六曰白尖曰紅尖曰晚秔

曰六十日曰八十日曰一百日百曰種自占城來宋

會要大中祥符五年遣使取占城禾給江淮兩浙分

種之今又有觀音秔銀條秔二種秔之種亦有九曰

芒曰香曰晚曰抄社曰羊脂曰牛蟲曰虎斑曰栢枝

曰長稗今又有黃皮矮箕早白中廣馬鬃雀嘴稱鈎紅芒麻助早秋風堆子紅殼鼈六升十二種丹徒縣志

機謹按十二種下鎮江府志有大抵與前或名異而種同也十一字

說文曰嘉禾穀也禾即稻之別名木旺而生故種於仲春金旺而死故熟於仲秋得時之中謂之禾嶺外地熱有春種夏熟者曰早禾既獲再插至十月熟曰稻吳都賦所謂國富再熟之稻又有一種曰占城粒細無芒宋大中祥符五年遣使就福建取占城稻三

萬斛分給江淮兩浙路令擇民田高仰者蒔之蓋早

稻也封川縣志

周禮職方氏揚州穀宜稻州古揚州南境也故稻之名亦不一今州倚郭三縣兩熟早種曰獻臺曰金洲曰秣晚種曰占成曰白香曰白芒通謂之稻至外縣名色尤多按閩清圖經早稻之種有六曰早占成烏羊赤城聖林清甜半冬而烏羊最佳晚稻之種有十曰晚占城白芡金黍洽水香櫛倉奈肥黃矮銀城黃香銀朱而白芡洽水香最甘香奈肥獨宜早濕最腴

之地糯米之種十有一曰金城白秣膳脂秣黃秣魁
秣黃 秣馬尾秣寸秣騰秣牛頭秣而寸秣顆粒最
長蓋諸邑亦或通有之占城相傳其種自占城國來
大中祥符五年淮浙微旱遣福建取種三萬斛分給
令種蒔之今土俗謂之百日黃是也已上名色雖多
不過有二秣曰糯稻餘皆秣稻爾雅所謂黏與不黏
之異秣古名徐糯古名黍三山志
稻秣糯之通稱稻從象人在臼上治稻之義木旺
而生金旺而死含中和之氣故又曰禾稻花午開夜

合開合皆於穀中香甚有七開七合者晚粳得金氣
多故色白者入肺而解熱早粳得土氣多故赤者益

脾而白者益胃也

六合縣志

稻有大禾芒及寸有雪稻種自交趾

肇慶府志

稻大都二種曰粳曰秣名品甚多志甚大者春種夏
熟曰早稻秋種冬熟曰晚稻其歲一熟者曰大冬又
有各種曰早占山田可種附郭則少曰天降來從霜
降復熟曰薰提曰黃芒與早稻同熟曰占城與晚稻
同熟曰稊早稻既獲後苗始蕃亦與晚稻同熟曰土

綸多出州田其歲再熟者又有曰金洲曰白香秫又
 名糯與早稻同熟者曰早秫與晚稻同熟者曰晚秫
 與大冬同熟者曰大冬秫福州府志
 五穀者麻黍稷麥豆周禮揚州荊州其穀宜稻閩屬
 揚州當首稻矣左思三都賦國稅再熟之稻宋馬益
 詩兩熟潮田天下無蓋美閩稻也說文謂稻為粳粳
 徐屬也粳亦名秫字秫云粳黏稻而粳稻不黏今之
 食米皆粳稻釀酒則粳稻也閩中記云閩人以粳稻
 釀酒其餘蹂粉歲時以為糰粽裸獲之屬 福州曰

粳曰秫春種夏熟曰早稻秋種冬熟曰晚稻歲一熟
 者曰大冬山田冬種者曰早占霜降後熟者曰天降
 來曰薰提與早稻同熟者曰黃芒與晚稻同熟者曰
 占城曰綸又曰土綸歲再熟者又曰金洲曰白香秫
 又曰糯與早稻同熟者曰早秫與晚稻同熟者曰晚
 秫與大冬同熟者曰大冬秫湘山野錄云宋真宗以
 福建田多高仰聞占城稻耐旱遣使求其種得一十
 石以遺其民使蔣之此占城所繇名也今八郡皆有
 占城稻 泉州曰早稻曰早仔曰師姑早曰晚稻曰

大冬曰寄種曰青晚曰占城稻曰畚稻曰白香曰過
 山香曰降來曰大尖曰小尖曰中灌曰新留曰河南
 早曰河南秋種曰白柳曰鳥芒曰林鳳曰藿香曰一
 秋紅曰紅芒曰天上落曰八月白曰蘇州紅曰鳥稻
 曰金城早曰粟穀曰尤溪早曰早秣曰晚秣曰大冬
 秣曰赤莠秣曰牛頭秣曰好穀曰白秋秣曰白占秣
 曰花脊秣曰虎皮秣曰近山香秣曰龍牙曰班占
 建寧曰六十日早曰大糯曰小糯曰龍鳳早曰半冬
 白曰師姑早曰九里香曰大早曰小早曰天降早曰

爛泥早曰七娘禾曰小白禾曰大白禾曰小鳥禾曰
 大鳥禾曰野猪愁曰無芒禾曰真珠纍曰麻子禾曰
 公婆禾曰銀珠秣曰早禾曰白禾子曰鳥禾子曰厚
 芒禾曰下馬看曰白芒曰黃穀曰粳穀曰白秈早曰
 鳥龍牙曰紅糟秣曰鋪城錦曰温州早曰吳家傳曰
 大師姑曰小師姑曰青絲禾曰荔枝禾曰猴尾秣曰
 鳥節秣曰重陽秣曰白芒秣曰鳥牙秣 延平曰秧
 歸曰早子曰金城早曰江南早曰天降曰赤芒曰白
 芒曰赤穀曰半溪曰廖亢山曰早秣曰晚秣曰八月

白曰長芒曰粟山中野人間種之汀州曰稻興
化曰早穀曰獐曰占穀曰粟曰青梁曰黃梁白梁皆
粟類漳州曰早稻曰晚稻曰大冬稻曰寄種曰占
稻曰香稻曰白柳曰畚稻曰糯稻以上稻種不
言不同有一種而異名者具依本志列之如

右闕

稻為秠為糯名色其衆大約不出秠糯二種秠與粳
同稻之不黏者糯者糯也其性黏主温故多熱可為
酒各有早晚不同仁和錢塘海寧種多晚餘秠早晚

半餘縣多早 抗州府志

稻凡百餘種約以紅稻白稻糯稻槩之 雲南通志

稻秠秠之通稱今之食米皆秠釀酒則秠秠之早者
有望暑白救工饑刷帚早一坵水諸名秠之早者曰
大糯有赤白二種秠之遲者有北風粘八月白鳥穀
芒穀之類秠之遲者有團糯粘糯荔枝糯之類又有
晚粘稻晚糯稻則刈早稻而復殖于早田者 建昌縣志
爾雅曰稻大陰之精水田所種周禮別設稻人掌稼
下地以瀦蓄水防止水溝蕩水遂均水列舍水澮瀉

水以其性宜水也近于諸 中最重此種而東邑水田不多高田亦種旱則易稿此水利所以不可不講與○釋名曰稻一名稌其種不一大約分早中晚三等 蚤有六十日嚴州早皆四月種六月收而六十日尤早在田僅六十日故名此耕農所藉以按乏非食租者所嘗也玉山鄉有仙居早收與平原中稻同中則金成爲總名有鐵馬鞭毛葉齊蘭溪矮白批杷黑批杷長批杷矮批杷鶯黃白落場青諸種而以頭水金成爲佳又有長稻湖廣秬味香美而晚收類

晚稻有芒皆舊志所謂秬也 晚有二種一爲秬俗名雪稻有蚤雪長稗濶邊馬嘴馬頭蘸齊頭黃冷水清諸種俱八月收性濶邊多種土人早暮率以之煮粥味香美而稠亦可造酒一爲粳俗作糯釋名曰稻之粘者爲糯卽秠也有平頭黃穀黑嘴紅皮黃芒烏節胭脂瓜子白羊草鞋諸種皆性軟而粘用以造酒及作菓餅甚佳平頭尤尚性紅皮最劣瓜子最晚爲山田所種今平原亦有之其早者名趕陳糯種與中山稻同而收同早稻又有紅芒雪紅芒稻芒甚尖長山

中人謂之野猪，哽蓋窮源僻塢，中以備山獸之嚼嚙者，名雖鄙而不可棄也。且其粒獨大，味更良，為諸種所不及。別種為早稻，宋時所給占城種也。粒似糯，微小，雖大早有收，而所入不多。故山鄉有之，而平原不種。大槩早中二種成熟，雖異而取用畧同。晚二種取用各異，而成熟則同。○平原土暖，日蒸，稻熟不出八九十日，以四月種，七月收，八月而畢。山鄉地氣高寒，每日不滿一畧，故須百二十日始熟。以五月種，九月收，十月而畢。諺云：陽鄉一飽，七月，半山鄉一飽。

重陽爨此其常也。原田蚤者，或以社前浸子，立夏前插秧，謂之春田。而山田之稻有遲至十一月刈者，謂之寒稻。久而不落，亦地氣然也。○按周禮分田之制：上地家百畝，歲一耕之；此不易之地；中地家二百畝，間歲耕其半，為一易之地；三百畝，三歲一周為再易。註云：中下，磽瘠不息，其地力則禾稼不蕃。東邑土田山原各半，農人勤于耕作，隙地間灘無不墾者。舊州水平高三，則水平土淺不盈尺，其高田稍厚，又若水少，所稱上地，十不得一。至于深山中，平土既少，率因

高就下壘石砌砌以受浮漂之土徃徃十餘坵始成一畝下地居多中地間有耳歲歲耕之地力幾何而不竭哉然歲率多中年十常收其五六若是何也竊觀耕農之家其栽培之法以百計未種之先多取山中擇葉踰入水田中久卽化爲純土高平不可得水每畝用柴若干燒灰布之和水而耕至插秧時或以猪毛油箍岸砂諸物塗其根令苗易長已種苗生又乾其土布以細灰反其上而之或至苗秀再布謂之腰灰比熟時已不啻四五易山鄉稍簡易然

力所可致無不致者自播種耕耘以至收穫必及時如法故歲常有收五六月間久晴不雨勺水涓流必引納田中桔槔之聲徹晝夜呶啞不絕性頑民不遵約束爭先取強頃刻而盡弱者或不可得日久不雨先後同稿又有偷車瓜缺等弊利已妨久竝宜痛革山中無陂塘可特名爲靠天所幸土氣常潤雖大荒不至無收若乃天災流行人力莫救則草根木皮以充一飽而平原之人亦相率入山掘取蕨其淘粉而食故曰稼穡艱難民依當恤邑雖貧瘠素封間有類

厚自封殖而無矜恤之心依附者又從而主張之每當春夏之交貧民無所得食故高其價額其數以困之夫如是彼將救死不暇奚暇為人治地哉語云雖有地寶民力不勤則不出近當變亂之餘田荒日多地力自足人力不施則貨棄于地矣求民之瘼者所當加意也

東陽縣志

稻說文謂稻為秔粳亦名秣字林云粳粘稻而秔稻不黏此其異耳今夏熟者曰晚禾品色不一又南畿志謂昆陵產惟白梁

江南通志

稻有數種水陸不同又黏者謂之糯禾色黑宜釀王崇獻稻詩寒氣初迴烟雨天水邊聊繫釣漁舡一春生理渾無賴贏得江南數畝田

曹縣志

稻臨海異物志云丹丘穀夏冬再熟言其土所宜也夏熟者曰早禾冬熟者曰晚禾其最早者曰六十日曰隨犁歸曰梅衰白曰便糧其次早者曰白婢暴曰紅婢暴八月白晚者曰白香曰白董曰大禮細禮若是數者名最著土人通藝焉又以色言之則大青矮青光頭青黃散抽馬紫紅金珠之類是也而馬紫紅

尤香而甘以次言之則獻臺相連寄生第二遍之類是也而獻臺最貴至於早稜宜旱倒水賴宜水是又其性之相反者也糯之種相傳有數十而可記者有流水稻白糯黃糯麻糯荔枝糯烏鹽糯皆以其色近似至葉婆糯郎君糯則因其人得名而矮子糯則以其穗短而稱焉占城自占城國至剡自剡至宋大中祥符五年以淮浙微旱使於福建取種三萬斛分給種之今土俗謂之百日黃是又其得之閩中者也名色雖多總其目曰秔曰爾雅所謂黏與不黏者

是其別歟 台州府志

稻其種甚衆大率有秔有秫秫即糯也秔糯俱有紅白二色又或有芒秔早熟最蚤者名天公蚤往來即黃大與貧民接飢秫有至仲冬熟者 常山縣志 稻水田禾皆名稻至多不可殫述大槩有三種早中

晚也 祁陽縣志

稻稷糯之總名也熟有早晚二種稷宜飯糯宜糕宜酒出玉泉山石塘者甲八府 畿輔通志 稻有秔糯二種秔宜飯○詩謂之稌粘者為糯宜酒

謂之秣其色有黃白丹玄其熟有早中晚名品甚多

一種自占城來曰私粒差小金壇縣志

稻類有私糯二種其熟有早中晚三時其粒有紅白

二色名品最多不能悉載相廬縣志

稻有早稻有晚稻古皆謂之秣粘可作酒者為糯古

所謂秣也色有紅白名種最多江西新城縣志

稻粳糯之總名粳稻有東方稻雙芒稻虎皮稻之類

皆食米糯稻有早糯黃糯皆可釀酒種者粳稻九糯

稻二早田九水田一日徐曰秣曰私隨方名也遵化州志

宋淳化四年縣西四十五里九頃塘民應氏田稻生

雙米有司聞于朝寧海縣志

稻有地暴紅白二色白散烏散水稜占城軟稗百箭

白西龍私磊晚八月白早糯白糯辨白晚糯黃糯烏

糯矮糯紅羅帳金裏銀金水糯青糯紅芒早稜遲青

冷水糯嚴州早胭脂糯縮頭紅梅裏白金成赤芒草


鞋社香晚晏白黃稻赤糯柳葉糯松花糯山稜溫州府志

凡稻之可食者為占可釀者為糯占謂之秣種穗各

有早晚不齊在田總曰禾其實總曰穀南昌府志

矮占六月種十月收宜今漿田鄉人多藉此以給上同
稻曰稷不粘食米也稭曰糯粘酒米也五縣稷有江
西早六月熟金裏銀及太平早七八月熟晚稻十月
收糯有重陽糯湖州糯處州糯麻子糯同晚穀收又
按宋史真宗遣使就福建取占城穀三萬斛給江淮
兩浙路宜浙有遺種此穀不獨耐旱其熟必在五月
最宜衢蒔蓋衢之田燥歲多旱何獨無此種也又有
二種曰安南早曰埔稜亦耐旱宜蒔衢州府志
杭糯二種而杭之中名數不一大約有早私晚私七

八月可熟田家種以續陳米之不給然不多種以其
不禁秋風且薄收也其遍種者惟早晚稷稻至冬始
刈獲納糧之餘則積陳以為口食謂之春米其黏者曰
糯種數亦多大約有早有晚並堪釀酒為粉食而非
小民終歲之需 掌故集云湖田耕深而種稀其土
力本饒沃種不稀者至秋多病蟲大率深至八寸故
倍收湖之老農言下糞不可太早太早而後力不按
秋多縮而不秀初種時必以河泥作底其力雖慢
而長伏暑時稍下灰或菜餅其力亦慢而不疾立



秋後交處暑始下大肥壅則其力倍而穗長矣烏程縣誌

珍珠稻米稻圓而色潔

黃欄稻米極潤白

聞

界稻十一月種至次年四月熟界在兩年故名出徐以上雷州府志

早尖米有赤白二種粒小早熟

埔尖米有赤白二色赤多白少旱園所種因名之

尖仔亦有赤白二種粒比埔尖差小

糯米米白粒大

赤穀秫殼赤米白

虎皮秫殼赤有文米白粒大

白尖秫竹絲秫米青白色

生毛秫穀有毛俗呼大武壠秫

過山香味香賽諸秫

鴨母潮性黏以上諸稻俱夏種夏獲

禾秫鳳山八社土民種於園米獨大以上臺灣府志

靠塘青稻米多稈長畝可三石江陰縣志

鳥須稻熟最早性柔稈弱上同

瓣穠稻綴粒甚密顆稍圓細上同

瓜熟稻極早而粒長又曰六十日救公饑上同

紫口甲嘴微紫粒細會稽縣志

健脚青熟時莖挺而色稍青上同

黑稻厚稈長芒深黑米赤性硬立秋前插蔣十月熟

宜水亦宜旱太平府志

黑稻厚稈長芒稈黑米赤性硬立秋前插蔣十月熟

水旱並宜旱澇過時乃種之可以薄收當塗縣志

白花珠性柔而不黏最宜作糜和潤香滑異於常種
五郡東土人植之四月種九月收以品高而收薄故

農人不能廣種松江府志

交白稻逢白露則熟仁和縣志

銀杏白銀杏肌理白膩以其白故名上同

大冬春種冬熟有赤白二種顆大殼厚氣完七邑俱

有

寄種與早稻同下種早稻刈後更發苗至十月結實

有芒米赤色又一種無芒晉南同惠出

青晚埭田多種之其種與收俱遲於早稻一月米色赤

白香春種秋熟有芒殼黃米白味香又一種無芒更

美名過山香晉江南安永春出

降來夏種秋熟有芒差短殼米俱赤南安同安出

大尖春種秋熟殼赤無芒與早赤大同小異又有小尖比大尖差小俱南安出

中灌五月種十月收殼赤米白南安出

河南早春種夏收南安出又有河南種同安出

白柳秋種晉江南安同安出

烏芒漬種甲微拆投土中乃發芽抽苗與赤晚同熟

鹵地之尤鹹者宜此惠安出以上泉州府志

野稻不種而天成者隋時滄州魯城縣地生野稻水穀二千餘頃燕魏飢民就食之唐因東名乾符縣河間府志

鎮按凡米之未舂者俱謂之稻何以本經稱糲米為稻米也且註云性粘者為糲不粘者為粳殊費詳解細考之米之粘者為糲粟之粘者為粳特為正之

庶生卷集
卷一

後之學者自易明也

清何培元本草綱目類纂必讀

[Faint bleed-through text from the reverse side of the page, mostly illegible]

